



UiTM@Media **2016**

Karya Inovasi



UITM@Media
2016

Biasiswa MyBrain15 lancarkan penyelidikan

» Majlis Perwakilan
Pelajar anggap
penyuntik semangat,
ringankan beban

Oleh Nor Azma Laila
norazma@bh.com.my

► Kuala Lumpur

Tawaran pembiayaan biasiswa MyBrain15 kepada 9,010 mahasiswa peringkat pascasiswazah diharap dapat meringankan beban mahasiswa yang memerlukan, sekali gus membolehkan mereka meneruskan hasrat menyambung pengajian tanpa perlu khuatir mengenai masalah kewangan.

Yang Dipertua Majlis Perwakilan Pelajar (MPP), Universiti Teknologi MARA (UiTM), Mohamad Aiman Adam, berkata keputusan yang dibuat Kementerian itu dilihat dapat menutup isu yang timbul sebelum ini mengenai penamatan pemberian biasiswa MyBrain15 kepada mahasiswa yang layak sekali gus membantu menampung kos pengajian ditanggung mereka pada hari ini.

Lancarkan proses permohonan

"Selaras dengan hasrat kebanyakan universiti yang bergerak menjadi universiti penyelidikan termasuklah UiTM sendiri, saya berpendapat pemberian biasiswa ini sudah tentu dilihat banyak membantu mahasiswa dalam menjalankan dan menyiapkan penyelidikan mereka.

"Usaha ini juga diharap dapat membantu mahasiswa untuk menghasilkan produk penyelidikan yang boleh memberi impak tinggi kepada masyarakat, malah mampu dikomersialkan pada peringkat global," katanya.



Usaha ini juga diharap dapat membantu mahasiswa untuk menghasilkan produk penyelidikan yang boleh memberi impak tinggi kepada masyarakat malah mampu dikomersialkan pada peringkat global"

Mohamad Aiman Adam,
Yang Dipertua MPP UiTM

Beliau berkata, sebelum ini, memang ada keluhan timbul daripada pemohon biasiswa MyBrain ini mengenai kelewatan proses penawaran surat tawaran sehingga ada yang perlu menggunakan simpanan sendiri bagi membiayai kos pengajian pada peringkat sarjana atau doktor falsafah (PhD).

Beliau berharap Kementerian dapat mengatasi masalah ini dengan melancarkan lagi proses permohonan dan penyerahan surat tawaran supaya tidak timbul isu berbangkit pada masa depan.

Produk berkualiti

Yang Dipertua MPP, Universiti Sains Malaysia (USM), Mohd Fahmi Mohd Fadzi, berkata pemberian biasiswa itu dapat memberikan dana kepada mahasiswa untuk menjalankan penyelidikan, sekali gus menghasilkan lebih banyak produk yang berkualiti dan bermutu tinggi pada masa depan.



Fanitsyara Kam Phon

"Sekiranya mahasiswa ini tidak mempunyai dana untuk menyambung pengajian dan membuat penyelidikan, sudah tentu hasrat mereka akan terbantut dan misi kerajaan untuk melahirkan lebih ramai graduan yang memiliki PhD juga tidak akan berjaya dicapai.

"Tidak dinafikan, ada juga rakan mahasiswa yang mengeluh apabila permohonan mereka untuk mendapatkan biasiswa ini tidak berjaya dan saya melihat satu cabaran kepada mereka kerana perlu mencari dana dengan bekerja terlebih dulu kemudian barulah menyambung pengajian," katanya.

Yang Dipertua MPP Universiti Malaya (UM), Fanitsyara Kam Phon, berkata biasiswa itu akan memberi suntikan semangat kepada mahasiswa untuk menjalankan penyelidikan dalam keadaan selesa tanpa kekangan kewangan.

"Harapan saya, pemberian biasiswa ini akan merancakkan lagi penyelidikan sekali gus membantu menaikkan kedudukan institusi pengajian tinggi di Malaysia. Dalam pada itu, saya juga mengharapkan proses dan sistem pemberian MyBrain15 ini disemak semula bagi mengurangkan masalah.

"Bagi mereka yang tidak berjaya mendapat biasiswa, jangan sesekali berputus asa. Saya yakin masih ada ruang lain untuk mereka memohon bantuan kewangan," katanya.

- **Penasihat**

Profesor Emeritus Dato' Dr Hassan Said
Naib Canselor

- **Ketua Projek**

Alfina Bakar

- **Pengurus Produksi**

Darus Kasim
Rosly Mahmud

- **Penyelaras Bahan Akhbar**

Firdaus Abd Hanan
Hanisah Yacob
Datin Umminalah Salleh

- **Pembantu**

Penyelaras Bahan Akhbar

Hazizi Jantan
Nor Azlina Nordin
Samsinah Selamat
Raja Nazrul Raja Hisham

- **Pereka Grafik Utama**

Junaidy Talib

- **Pereka Grafik**

Rosdi Abdul Hamid
Mohd Nor Firdaus Mohd Isa

- **Sumber Keratan Akhbar**

Utusan Malaysia, Mingguan Malaysia, Berita Harian, Berita Minggu,
New Straits Times, The Star, Sunday Star, The Sun, Star Metro,
Kosmo, Harian Metro, Sinar Harian.

